

Сул кӧдлмшин ашнь

Яшкульск района „Кировск-ий“ совхозин кӧдлмшин зӧрм ашнь ик му болджахнь ўзгд-джӧнӧ.

Хӧ киргългън совхозд тӧг-сӧгдв. Совхоз зурагъар авх ноосан кӱтц авч чадсн уга. Хӧн болгънас 4, 3 кг ноосн киргългдв, зурань болхла 4, 7 кг бӧӧсмн.

Болв совхозин хӧӧчнр цуг-тан муугъар кӧдлцхӧдж йов-на гисн ик хаджгър болхмн. Ўзмджтӧ кӧдлмш кедж йовх хӧӧч улсин тонь цӧн биш. Ах хӧӧч Лабайко хуц болгъ-нас 11,5 кг цевр ноос авб, эс гидж, зурагъас 2,5 кг давулдж. Эр тӧлгӱдин ах хӧӧч К. Бурм-баев хӧн болгънас 6,6 кг ноос авб. Иим улсин нериг цааран-днь заадж болхмн.

Хӧӧнӧ тӧл бӧрлгънӧ халхар совхозин кӱцврнь бас деер биш. Хургълх 100 хӧн болгъ-нас авсн хургълднь 87, 57 болв.

Совхозар 6466 хӧн хусрв, эс гидж кӧгшн, му болад, гол-гдв. Совхозин сӧн гисн хӧӧч-нрнь 100 хӧӧнас 103-109-д ху-ргълнас даву авцхасн уга.

Совхозд хӧ ӧсглгънӧ кӧдл-мшт му биш дамшлтта хӧӧчнр бӧӧсн бийднь, теднӧ ўлгӱрнь наадк кӧдлӧчнр дунд тархаг-дхш. Совхозин директор ўр Землянский болн парторгани-зацин сеглӧтр ўр Кондрышев ода кӱртл кӧдлмшин му ашас бийстӧн сургълмдж гаргълдж авад уга. Хӧ ӧсглгънд йовц-хах кӧдлӧчнрин дунд бӱрдӧм-джин болн политическ цӧӧлгъ-врин кӧдлмш сул, эн учрар бӧӧх дуту-дундс хурдар уга кегдджӧхш.

Района гардврч организац эн совхозин кӧдлмшиг гӱӱнӧр шӱӱлдж хӧлӧдж, сӧн дӧнъ-нӧк-дӧн кӱргцхӧх зӧвтӧ.

Д. САНГАДЖИЕВ,